



舟過石門

兩山對峙水中流古昔貪泉在上
即今渾入海水心猶自照千秋



夏至前一日偕呂隱君荔枝灣擘荔
芰荷風起雨瀟瀟南漢紅雲宴寂寥一自
驛塵飛過後玉環埋恨未全消

端陽後一日雨窓即事二首

酒闌燈灺雨濛濛欲寫愁懷句未工賴有
聯牀二三子不須翹首怨狂風
憶得橫沙看競渡霎時荔雨打篷窓有人
盼望舟行客愁絕東風過大江

漫成六首

翹首闌干畫閣東雲情雨態總難窮
捺人窠是離支酒狼藉餘香透玉櫳

銅壺更轉漏聲微歷亂流螢綵扇揮
憶得幔亭書昨到買茶秋盡有人歸
玉爐烟冷夜扃扉無那懷人思不歸
筆陣縱橫分茗戰酒兵旗鼓莫相違
買醉黃金得醉難不逢知己莫團團
鏡花水月為塵世暮雨朝風幾缺殘
柳影荷香枕簟清海棠烟重態橫生
追思

走馬章臺日含笑看花句易成
舊緒新愁寸寸絲夜潮初上半江時相逢
漫作攢眉態十載揚州酒一卮
和方振齋旅館夜雨二首
金鴨香銷句未成漏殘深巷報雞聲懷人
旅况瀟瀟雨對影捫襟夜自明
細草新阡始落成不愁風雨下階聲暮雲

春樹增惆悵獨倚護花祝月明

擘荔和黃虛舟

半塘菱角半塘蓮夾岼紅雲醉謫仙我欲
療飢分一顆數枝斜墮正嫣然

採蓮詞十首

溪頭時有採蓮人採得蓮花白似銀為語
採蓮休折藕藕絲長綰浪遊身

月姊花姨素手招採蓮人共上蘭橈並頭
昨夜同舒萼艷說湖西一朵嬌
五里芙蓉十里香阿誰情重賽鴛鴦曉風
殘月橫塘夢不管凌波有六郎
水殿風開太液蓮櫂歌人似水中仙舊傳
花是麻姑種不許泥污玷妙年
蓮花蓮葉遍塘均蓮子青青未忍拋更有

蓮絲牽不斷問娘連理幾時交
絲連藕斷為情拖曾向西湖載酒過試問
蓮房多少子並頭恩愛較如何
並頭花萼瓣重臺曾是楊枝露洒來好向
若耶溪裏種莫教移近野塘栽
水北村南灣復灣清風明月載歌還莫從
紅藕花邊過蟹舍魚居七八間

柳絲烟捲晚風微采罷芙蓉香滿衣戲擲

驪珠偷打鴨鴛鴦驚起向人飛

愛蓮爭唱採蓮詞水調歌頭和竹枝唱到

江南斷腸句滿身涼露夜深時

秋夜懷張葯房二首

可堪消渴似相如俗事侵尋懶起居忙裏

買閒閒亦得水衣棚下種紅蕖

蛩聲切切來窗外帆影遲遲趁夜過憶得

金山去年月白蘋秋水照湘娥

雨窓即事

瀟瀟窓外芭蕉雨疑是美人環珮聲昨夜

江樓秋夢續莊周蝴蝶若為情

夜半登風滿樓題壁

良夜迢迢漏滴三素懷多為野情耽東風

臺榭珠江月曾夢梅花小閣南

柳枝詞

絲絲總是銷魂樹近日飛花似有情試問
河橋來往客幾回攀折幾回生

輓梁扶峯六首

訂君春酒共盤桓扶病初聞再拜難

上元後二

日先生來札云老不道一書成永訣那堪

病驟

發少履維艱

維艱

揮淚檢重看
皤然鬚髮老而童言笑時形夢寐中結客
忘年今絕少花朝寒雨悵春風
憂戚相關憶去年勞形心為故人堅江樓
風滿波濤靜無復招邀泛畫船
肅肅詞壇列鼓旗明於律法戰于詩墨痕
漫作烟雲化愁絕予懷一字師

形役勞勞欲賦閒頻年無計買青山豈知

絕筆驚人句

去年十月先生和余素心蘭詩云情根欲問生何託笑指

霜花不肯言此後識與龍蛇夢一般不復見其吟詠矣

杜宇啼寒紫洞鄉笛聲和雨咽山陽素車

白馬殊慚我廿載心情一瓣香

秋夜泊西南驛二首

二十七年游迹後三千餘里路歸初銷魂

寔是前溪柳往日纏綿今日疎

柳裏茅亭村外燈漁郎歸網罷撈罾憑欄

欲緩羅襟帶午夜涼飈恐不勝

中秋珠江泛舟二首

一曲霓裳此夜情溶溶玉兔桂香清水窓

簾影傳花席人在銀湖鏡裏行

塢火高燒向大江蘭橈沙外自雙雙珠娘

亦解團圓意素手招邀隔水窓

秋日心蹟雙清軒偶成

飢鼠承塵聲唧唧
隔籬村婦語喁喁
秋懷獨寄秋山外
卧看芙蓉第一峯

見梅花東嚴戒亭

好是天南不知雪
雪花都付嶺頭梅
廿年作客過橫浦
曾與先生踏雪回

戲嘲

春蠶秋扇薄輕紗
燈下看蠶眼未花
記取南樓明月夜
並肩含笑問琵琶

題胡牧軒煉丹圖三首

把臂依稀二十年
風姿松鶴尚飄然
何緣拾得丹砂去
九轉功成學散仙
兀坐無言古道諳
葫蘆箇裏總渾涵
奚童

亦具烟霞相別有乾坤夢正酣
為愛名山入武夷白雲深處采靈芝南來
又悟長生訣瘴雨蠻烟百煉時

庚申元夜登煥章閣二首

青陽轉歲又庚申元夜春風幾度新

歲正
月十

一日
立春春色滿園何處好花枝招颺似留人
高閣凌霄喜落成奎文有象煥昇平千花

百草都承露故遣梅花獨報名

閣下即梅
花草堂

囑鶯

出谷新鶯羽翼奇梢頭休弄短長絲靈和
殿角春風早飛向瓊林借一枝

囑蝶

香國繁華戀不歸滕王榻後久相違多情
往事莊周夢莫向羅浮洞口飛

梅村書屋詩金 卷四
洋白燕呈黎二樵山人三首

月明無影入樓臺
細語呢喃翠幙開
信是靈禽知氣候
先春飛過嶺南來
昭陽宮殿舊知名
濕入梨花玉剪輕
月落屋梁涼夢覺
相呼相喚若為情
為愛梅花雪滿衣
頻年賓主苦相依
春來秋去羞從俗
不逐紅襟對對飛

送友人之武夷

九曲風濤兩度過
溪頭曾聽采茶歌
廿年心事憑君寄
南北名峯入夢多

春雨初晴口占

玉蘭開罷杜鵑殘
剪剪輕風怯薄寒
宿雨點成新柳態
日籠雲影過闌干

竹枝詞 鹿門精舍雜賦十二首

竹折桐枯往事灰
新花新柳艷成堆
年年四月清和後
我愛薰風日日来
金碧交輝映水窓
月臺邀月枕珠江
夜闌欸乃漁家曲
不是潮腔是廣腔
生涯原是海邊多
舊竹埋灣新竹過
西水不離三月漲
東江船艇近如何
竹排東江寂多
龍母廟前江水清
龍母廟後讀書聲
游人

莫問誰家子
水宿舟居無姓名
新填地塋兩三灣
灣內人家十八間
記取月明閒
泛櫂琵琶聲裏認雙鬟
六角亭栽夾竹桃
紅蓮花讓白蓮高
夕陽風起江波急
人倚闌干聽怒濤
鷺潭對面海天空
簫管樓船夜月中
不是珠娘生活好
銷魂偏在素馨風

一水盈盈接大通有時烟雨畫溟濛人來
人去低艚艇穩過尖峯杜滿篷
蒲颿東去復西過遙望芳村樂事多十雨
五風時歲好早收田婦打新禾
荔子蒸紅紅欲然花船採荔已多年年來
亦有相如渴為飲天漿不計錢
不斷冰簾掛水窓潮來三日到西江東鄰

亦有商人婦訴盡離情恨滿腔

麻陽船載北江歸歸到鴛潭見落暉潭水
照人明似鏡舊時真有白鴛飛

癸亥春初梅花草堂牡丹新發因憶
去春同賞牡丹諸君子

今日花非舊日枝今年春比去年遲煥章
閣下看花客興到何人共賦詩

再過山門村二首

十年曾此問山門今日重過舊日村雲物

不殊鄉俗態白頭東道幾人存庚戌歲余初到山門

李公有諸父二人留款甚殷此日再來聞二君俱物故

溪流百折水彎環塙影連雲插遠山明月

清風人病起候潮欣與載歌還喜李容西病愈邀與

同舟而還

大寒後一日瓶梅畫花

嶺南臘月原無雪昨夜梅花忽盡開想為

騷人詩興到故將春色寄情來

偕吳荷屋翰林登河北樓望河南水

閣

江北樓對江南樓二樓橫鎖大江頭江雲

水月隨時態畫意詩情盡日收

臘月雨夜與宋芝山同宿江樓

大寒寒夜雨霏霏，漏滴鐘聲燈亦微。
江北嶺南同一臘，人情冷暖是耶非。

冬夜宿江樓聞琴久不成寐篝燈賦

此五首

何人清夜理絲桐，彷彿胡笳慘淡中。
杳杳鍾期無復見，高山流水再難逢。

寒夜江樓夢不成，舊懷新緒悵然生。
矜持

晚節風霜後，博得箕山冷漢名。

譙鼓樓頭次第催，廿年春夢許重迴。
衝寒

午夜珠江雪踐約，羊羔酒一杯。

月透疎櫺冷透襟，凌雲迴憶壯年心。
無成

半百將虛度，輸與嵇康一操琴。

利慾關頭牢易破，履霜人世險難任。
有身

夢去都成幻無病無身患不侵

辛酉二月八日病體小康緩步醉月

樓二首

春分春暖愛春眠前夜春星到月邊我為
賞春春色醉夢魂幾與蝶纏絲
相如多病罷彈琴賴有長齋繡佛心春鳥
莫愁春事去年華花信互追尋

題吳白广蘭竹二首

數莖脩竹倚秋山活潑逢君筆墨間池館
夜涼風雨好珊珊疑響美人環
瑤草無香似有香素心如我味偏長深林
幽谷何人見秋夢沈沈到碧湘

十月望前一夜對月有懷江左友人
南來未至二首

小陽春候月將圓三徑香流午夜天屈指
故人應度嶺南枝曾否載南船
春仲花時憶見招西齋留醉夜魂銷多情
海外人相問為語江干候早潮

開殘牡丹二首

漠漠餘香尚染衣朱欄十二景全非蝶魂
鶯夢渾無著月落空梁燕子歸

亭北香沈日已昏芙蓉帳冷舊承恩繁華
事散春光寂蛋雨蠻烟祇斷魂

春日蒲澗道中二首

青鞵草帽杖金藤疊翠層巒拾級登遙指
白雲連景泰夕陽誰見晚歸僧
古栢長松野景幽墓堂華表幾經秋行人
欲問安期宅含笑花開澗水流

暮春送遊武夷諸子二首

幔亭昔日曾為客尚有巉巖駕壑舟三十

二年遊迹斷故山憑汝問因由

不斷峯巒載道花紆迴蹊徑野人家天遊

道士如相問寄語春歸莫采茶歲庚寅四月

遊天遊山道人引至岩後指示宋時茶樹
有古枝疎葉長寸許折其一枝數葉道士
之恐樹傷矣余亦悵然自失

臘殘吟

物換星移鬢漸絲蒼顏終是歲寒姿鹿門

有約歸何日莫負春花爛漫時

午日珠江櫂歌四首

珠海龍舟樂事多當年人未弔曹娥蒲符

爭插漁娘髮都為離騷一曲歌

逢逢遠浦聞鼉鼓叠叠鳴鉦震海濱蘭櫂

不妨遊女過薄粧簾捲洛川神
髣髴秦淮看水嬉雙鬟少女未
瓜期重逢太息春遊暮十六年
來子滿枝觀渡樓船遮斷岸游
濠年少出深灣紅雲白雨隨時
變探罷離支載酒還

閒情六首

邂逅花洲已隔年一溪桃李一
溪烟載將

春色歸魚榭不記江村月落船
鎖江楊柳幾千絲冷淡風光異
昔時尋到曲欄呼出見病容慙
態似情痴西園閒過未梳粧明
鏡偷窺倚玉牀認得八郎偏問
姓恨渠春酒薦潘郎六月南風
打水窓花郎花叟鬧珠江蛟宮
夢去逢龍女贈得明珠佩一雙

江干私語木蘭舟憶得携郎上翠樓潮水
 未生人夢醒一簾新月看梳頭
 扇影衣香去不還空留春色在神山雖無
 方士求東海恐有黃衫惜玉顏

甲子正月六日看花口占

昔年春去情還在今日春來恩更深花事
 巧逢春作意不愁霜雪到園林

梅花書屋春夜即事

當年風雪飄零夜今日春花爛漫時對景
 可無詩與酒舊遊還有幾相知

登妙高臺用登字韻二首

妙高臺上憶重登學士遺風禮拜曾文字
 有靈神宛在會心何必證山僧
山房有會
心不遠額
 千秋過客此同登夜泊漁歌聽未曾人去

舊臺詩句冷不須重問得雲僧

罷遊金山歸舟感賦二首

綠水青山盡日遊十年曾此駐蘭舟因緣

信是三生結笑指靈峯怪石頭殿上有結三生緣頷

為蘇公筆

春遊歸櫂正遲遲追憶登臨夜賦詩鶴去

千年人不見高臺空自鎖寒碑

謁墓歸舟夜泊江干次前韻和家竹

庭兄二首

彷彿清溪載酒遊碧山如畫送歸舟雞豚

麥飯年年事又約秋風到隴頭

南來北雁信何遲賦雪金臺又寄詩時適接伊

墨卿登都中棠棣只知吟詠趣更求蘇碣

與韓碑

乙丑三月謁墓

不到江村已十年

自甲寅歲舟泊江村今十一年矣

蒼林

肅肅草芊芊遺碑總認兒孫字何日黃封

拜墓田

除夕和李叢谷夫子

天人廬在路何迢鶴髻松姿歲月饒四十

年前曾立雪依稀寒夜似春宵

題呂隱嵐花卉二首

葵萼半款如向日菊花情澹不驚秋老來

萱草爭濃艷點綴嶙峋怪石頭

數竿脩竹含風舞半樹紅梅帶雪飛一種

撩人春思遠水仙琴操入簾幃

丙寅上元前二夜梅花書屋花下見

月感賦四首

去歲花時剛遇雨今年雨後正開花玉樓
春暖圍金帶絕勝姚家與魏家
春雨乍晴春月好何妨春酒對春花為看
桃李爭春艷留我遲遲未轉家
海棠雨過籠烟重巢燕泥香枕落花翠被
夜長酣睡足夢游春到野人家
往事離亭歌折柳年來春夢只看花羅浮

翠羽休重問不見梅林賣酒家

春江四首

春宵誰耐錦襟孤隔座琵琶唱鷓鴣樂府
正翻新水調念奴歌已播江湖
裊裊迎風曳嫩條纏絲春夜復春朝眉痕
淺淡趨時樣爭似流鶯過六橋
憶昔尋春上翠樓雨絲風片為情留雲英

已嫁藍橋斷玉液無人借一甌
酒半看花花有情暮雲朝雨未分明一聲
孤擢潮頭上春夢無痕夜不驚

重陽後二日觀魚水榭與宋芷灣太

史毛壽君山人伊墨卿太守同賦

江清雲淨月浮空斜倚垂楊挹軟風若問
當年烟雨態對人情在不言中

洋白燕和李容西二首

避風臺上貯昭儀小妹承恩恨未知若使
霜姿能鬪巧肯教靈語媚當時
航海相投雪滿衣年年春社竟忘歸同心
異地皆賓主拂面紅塵何處飛

再疊新柳元韻三首

萬縷千絲舊織成幾回零落為秋聲今朝

春信來江上烟景如初看未明

青歸堤畔裊柔條十四年前學舞腰


前詠
新柳

詩時為甲寅歲二月昔日風流今未改靈和張緒想

趨朝

蝶魂驚覺子規啼露綴烟籠畫閣西腸斷

倚樓人去後空教寒食拂輪蹄

男夢麟夢龍夢

字

